

ՍՐԵՎԵԼՅԱՆ ՀԱՅՍՏԱՆԻ ՍՈՑԻԱԼ-ՏՆՏԵՍԱԿԱՆ ԴՐՈՒԹՅՈՒՆԸ XX ԴԱՐԻ ՍԿԶԻՆ

1. ՌՈՒՍԱՍՏԱՆԻ ԹԵՎԱԿՈՆՈՒՄԸ ԽՊՈՆԵՐԱԽԶՄԻ ՓՈՒԼԸ: ՏՆՏԵՍԱԿԱՆ ՆՈՐ ՏՆՂԱՇԱՐԺԵՐ

XX դարի սկզբին ավարտվեց կապիտալիզմի անցումն իր զարգացման բարձրագույն ու վերջին աստիճանին՝ իմպերիալիզմին։ Վ. Ի. Լենինը գրում է. «Եվրոպայի համար բավական ճշգրիտ կարելի է սահմանել այն ժամանակը, երբ հին կապիտալիզմին վերջնականապես փոխարինել է նորը. այս ժամանակը հենց XX դարի սկիզբն է»¹։ Կապիտալիզմի թևակոխումն իմպերիալիզմի դարաշրջանը տնտեսության, արտադրողական ուժերի զարգացման, արտադրության ու իրացման մեջ մեծ տեղաշարժեր առաջացրեց։ Վ. Ի. Լենինը իմպերիալիզմը բնութագրում է հետևյալ հիմնական հատկանիշներով. «1) արտադրության և կապիտալի համակենտրոնացումը, որը հասել է զարգացման այնպիսի բարձր աստիճանի, որ ստեղծել է մոնոպոլիաներ, որոնք վճռական դեր են կատարում տնտեսական կյանքում. 2) բանկային կապիտալի ծուլումն արդյունաբերական կապիտալի հետ և այդ «ֆինանսական կապիտալի» բազայի վրա հիմնված ֆինանսական օլիգարխիայի ստեղծում. 3) ի տարբերություն ապրանքների արտահանումից՝ կապիտալի արտահանումն առանձնապես կարևոր նշանակություն է ստանում. 4) առաջ են գալիս կապիտալիստների միջազգային մոնոպոլիստական միություններ, որոնք բաժանում են աշխարհը, և 5) խոշորագույն կապիտալիստական տերությունների կողմից ավարտված է աշխարհի տերիտորիալ բաժանումը»²։

Տալով իմպերիալիզմի ընդհանուր բնութագիրը, Վ. Ի. Լենինը միաժամանակ նշում էր նրա առանձնահատկություններն առանձին երկրներում։ Անգլիական իմպերիալիզմը նա անվանում էր զաղութատիրական, ֆրանսիականը՝ վաշխառուական, իսկ ռուսականը՝ ռազմաֆեոդալական։ Վերջինիս էությունն այն էր, որ Ռուսաստանում իմպերիալիզմն իր մեջ զուգակցում էր կապիտալիստական զարգացման նորագույն ձևերը՝ մոնոպոլիաներն ու բանկերը, ցարիզմի ու կալվածատիրական հողատիրության պահպանման հետ մեկտեղ։ Այլ կերպ ասած՝ Ռուսաստանում մոնոպոլիստական կապիտալիզմն ամբողջապես միա-

¹ Վ. Ի. Լենին, Ծրվեր, հ. 22, էջ 259։

² Նույն տեղում, էջ 354։

հյուսված էր ճորտատիրության մնացուկների և ինքնակալության բռնապետական ու ոստիկանական սանձարձակությունների հետ:

Յարիզմն ու կալվածատիրական կարգերը մեծապես խոչընդոտում էին երկրի զարգացմանը, կաշկանդում նրա արտադրողական ուժերի առաջընթացը և բացասաբար ներգործում հատկապես գյուղատնտեսության վրա: Վ. Ի. Լենինը նշում էր. «ամենահետամնաց հողատիրություն, ամենավայրենի գյուղ՝ ամենաառաջավոր արդյունաբերական և ֆինանսական կապիտալիզմ»³:

XIX դ. 90-ական թվականների վերջին Ռուսաստանում արդյունաբերությունը վերելք ապրեց, բայց շուտով (1900—1903 թթ.) վրա հասավ ճգնաժամը, որի հետևանքով բազմաթիվ ձեռնարկություններ, չդիմանալով մրցութայնը, փակվեցին: 1900-ական թվականներին Ռուսաստանի ժողովրդական տնտեսության բազմաթիվ ճյուղերում երևան եկան նոր մոնոպոլիաներ, որոնք աճելով դարձան որոշակի ուժ: 1906 թ. Ռուսաստանում արդեն կային 30 պաշտոնապես արձանագրված և համարյա ոչոքան էլ չզբանցված մոնոպոլիստական միավորումներ: Ռուսական մոնոպոլիաների ամենատարածված ձևը սինդիկատներն էին, այսինքն՝ կապիտալիստական այնպիսի միությունները, որոնք ստեղծված էին ապրանքները համատեղ վաճառելու համար:

XX դարի սկզբին Ռուսաստանում աշխուժացան նաև բանկերը, որոնք ավելի ակտիվ գործունեություն ծավալեցին: Նրանցից մի բանիսը միացան արդյունաբերական մոնոպոլիաներին, որի հետևանքով առաջ եկավ ֆինանսական կապիտալը: Դրանցից էին Հյուսիսային, Ռուս-Չինական, Պետերբուրգի միջազգային, Ազով-Դոնի, Ռուսական առևտրաարդյունաբերական բանկերը և այլն: Այդ բանկերը, միջոցներ տրամադրելով արդյունաբերական մոնոպոլիաներին, սկսեցին զեկավարել, հսկել ու հովանավորել զբանց գործունեությունը: Ռուսական բանկերի առանձնահատկություններից մեկն այն էր, որ նրանց միջոցների մեծ մասը պատկանում էր անգլիական, ֆրանսիական, գերմանական և այլ երկրների բանկիրներին: Դա պայմանավորված էր Ռուսաստանի տնտեսական հետամնացությամբ, որը երկիրը դնում էր կախյալ վիճակում օտարերկրյա կապիտալից: Արտասահմանյան կապիտալիստներն օգտագործելով նրա հետամնացությունը, թափանցել էին ռուսական տնտեսության տարբեր բնագավառներ և շահագործելով անմիջական արտադրողներին, հսկայական շափերի հասնող շահույթ էին ստանում: Սեփական միջոցների պակասության պատճառով ռուսական կապիտալիստները շատ քիչ կապիտալ էին արտահանում ավելի հետամնաց երկրներ՝ Չինաստան, Պարսկաստան ու Թուրքիա: Բայց, շնայած դրան, ռուսական մոնոպոլիստական միավորումները մասնակցում էին միջազգային կարտելների, սինդիկատների ու տրեստների կողմից իրագործվող աշխարհի բաժանմանը:

Վ. Ի. Լենինը ցույց է տալիս, որ իմպերիալիզմը մոնոպոլիստական, պարազիտային, փտող ու մեղեղ կապիտալիզմն է, բայց միաժամանակ նշում է, որ այդ տեղի է ունենում առանձին երկրներում կամ տնտեսության առանձին ճյուղերում, իսկ «Ամբողջությամբ առած՝ կապիտալիզմն անշափ ավելի արագ է աճում, քան առաջ...»⁴: Իմպերիալիզմի դարաշրջանում կապիտալիզմը Ռուսաստանում շարունակում էր զարգանալ և ըստ խորության՝ խորտակելով երկրի

3 Վ. Ի. Լենին, *Եժ*, հ. 16, էջ 515:

4 Վ. Ի. Լենին, *Երկր*, հ. 22, էջ 403:

Ֆինանսական շրջաններում ֆեոդալական մնացորդները, և ըստ լայնության՝ ավելի ու ավելի իր հորձանուտի մեջ ներքաշելով կայսրության ծայրամասերը: XX դարի սկզբին Ռուսաստանի գաղութները (Սիբիրը, Ղազախստանը, Միջին Ասիան, Կովկասն ու Անդրկովկասը) ունեին 17,4 միլ. քառ. կմ տարածություն, որը կազմում էր կայսրության ամբողջ տարածության 76,3%-ը և 33,2 միլ. բնակչություն՝ ամբողջ բնակչության 19,6 տոկոսը⁵: Այդ շրջանների տնտեսական յուրացումն ընթանում էր երկաթուղիների կառուցումով: 25 տարվա ընթացքում (1892—1917) Սիբիրում ու Միջին Ասիայում երկաթգծերի երկարությունն աճեց տասն անգամ (առանց Զին-Արևելյան երկաթուղու), իսկ բեռների տեղափոխումը (ներառյալ նաև Անդրկովկասը) 1902—1910 թթ. ավելացավ 81,7%-ով⁶:

Ցարական կառավարությունը երկաթուղային շինարարությունը եռանդով շարունակեց նաև Անդրկովկասում: Արևելյան Հայաստանում 1899 թ. ավարտվեցին Թիֆլիս—Կարս, 1902 թ.՝ Ալեքսանդրապոլ—Երևան, 1908 թ.՝ Ուլուփան—Զուլփա, իսկ 1913 թ.՝ Կարս—Սարիղամիշ—Կարաուրզան գծերը: Այդպիսով, շուրջ քառասուն տարվա ընթացքում (1871—1913), Անդրկովկասում կառուցվեց 2716 կիլոմետր երկաթգիծ, որից 540-ը՝ Արևելյան Հայաստանում⁷:

XX դարի սկզբին երկրամասում ընդլայնվում էին նաև խճուղիները և բացվում նոր սայլուղիներ: Առանձնապես մեծ նշանակություն ստացավ Երևան—Աղստաֆա խճուղին, որը Երևանի նահանգը կապում էր Անդրկովկասի երկաթուղային մայրուղու հետ: Կովկասի փոխարքան իր հաշվառվածություններից մեկում գրում էր. «Ժամնապարհների օգնությամբ կատարվում է երկրամասի միանգամայն խաղաղ նվաճումը և նրա ներքաշումը համապետական կյանքի հունի մեջ»⁸:

Հաղորդակցության միջոցների բարեկարգումը զարկ տվեց նվրոպական Ռուսաստանի ու Անդրկովկասի միջև տեղի ունեցող ապրանքային շրջանառության վերելքին: Երեք տարվա ընթացքում (1907—1910) միայն մեծ արագության բեռների աճը Անդրկովկասից նվրոպական Ռուսաստան 337 հազար փթից հասավ 394 հազար փթի, իսկ հակառակ ուղղությամբ՝ 433 հազարից 550 հազար փթի: Ռուսաստանից Անդրկովկաս էին ներմուծվում առավելապես մետաղյա ապրանքներ, մեքենաներ ու զանազան գործվածքներ, իսկ Անդրկովկասից արտահանվում էին հանքային հանածոներ և գյուղատնտեսական մթերքներ:

Ելնելով ռուս կալվածատերերի ու կապիտալիստների շահերից և ձգտելով ավելի արդյունավետ օգտագործել Անդրկովկասի տնտեսական հնարավորությունները, ցարիզմը ձեռնարկեց նաև այլ միջոցառումներ: 1900-ական թվականներին ստեղծվեցին երկրամասի արդյունաբերության ու գյուղատնտեսության կարիքներն ուսումնասիրող տեղական կոմիտեներ, հիմնվեցին գյուղատնտեսական գործիքների պահեստներ, բացվեցին զանազան ուսումնարաններ, գյուղատնտեսական տարբեր կուլտուրաների աճեցման ու արմատավորման

⁵ Տե՛ս «История СССР», т. VI, М., 1968, стр. 307.

⁶ Տե՛ս նույն տեղում, էջ 308:

⁷ Տե՛ս Օ. Տ. Баликян, Из истории формирования рабочего класса на строительстве дорог в Восточной Армении («Լրաբեր», 1975, № 3, էջ 89).

⁸ «Всеподданнейший отчет за пятилетие управления Кавказом генерал-адъютанта графа Воронцова-Дашкова», СПб., 1910, стр. 39.

փորձակայաններ, կազմակերպվեցին վարկային ընկերություններ, օրինակելի տնտեսություններ և այլն:

Անդրկովկասի տնտեսական կապերի ամրապնդումը նվրոպական Ռուսաստանի հետ նպաստեց երկրամասի առաջընթացին: Ադրբեջանում շարունակվեց նավթարդյունաբերության վերելքը: Միայն հինգ տարվա ընթացքում (1905—1909) նավթի արտադրությունը 409925 հազար փթից հասավ 490.967 հազար փթի, իսկ արտահանումն անցավ ընդհանուր արտադրության 75 տոկոսից⁹: Վրաստանում աճեց մարգանեցի արտադրությունը և 1901 թ. 22904 հազար փթի դիմաց 1907 թ. կազմեց 40.833 հազ. փութ¹⁰: Ռուսաստանը տալիս էր աշխարհի ամբողջ մարգանեցի 34,8%-ը, որի 26,4%-ը արտադրվում էր Վրաստանում:



Զիաբաշըր Երևանում

XX դարի սկզբին արտասահմանյան ու տեղական դրամատերերը, օգտվելով ցարական կառավարության հովանավորությունից, ավելի շատ միջոցներ ներդրեցին Անդրկովկասի տնտեսության մեջ և ստացան մեծ եկամուտներ: Բաքվի նավթարդյունաբերության մեջ հայտնի էին շվեդացի Նոբել եղբայրները, ֆրանսիացի Ռոտշիլդը, անգլիացի Վիշաուն, Գետաբեկի պղնձահանքերում՝ գերմանացի Սիմենս եղբայրները, Ալավերդում՝ ֆրանսիացիները, իսկ տեղացիներից՝ Բաքվում աչքի էին ընկնում հայ կապիտալիստներ Մանթաշովը, Միրզոյան եղբայրները, Նդիազարյանը, ինչպես նաև Լիանոզովը, Ղուկասովը, Պիտոնը, Մալիլովը, Արամյանցը, Ավան-Յուզբաշևը, Թադևոսյանը, Դուլխանովը, Ծատուրյանը և ուրիշներ: Վրաստանում ճանաչված էին արդյունաբերողներ Ադելխանովը, Հնֆիաշյանցը, Ալիխանովը, Խուրլարովը, Թալիբյանը, Բոգարջյանը, Կարապետյանը, Սողոմոնյանը և այլք: Հնֆիաշյանցը, Բոգարջյանը և

⁹ Տե՛ս «Краткий обзор коммерческой деятельности закавказских железных дорог по статистическим данным о перевозках пассажиров и грузов за 1910 г.», Тифлис, 1912, стр. 57, 62.

¹⁰ Տե՛ս նույն աղբյուր, էջ 70:

Սաֆարյանն ունեին ժխախտի, Ադելյանովը՝ կաշվի, Տեր-Հարությունյանը՝ կոշիկի գործարաններ:

XIX դ. վերջերին—XX դ. սկզբներին Ռուսաստանում բուրժուազիայի որոշ ներկայացուցիչներ իրենց անբավ հարստությունից բաժին էին տրամադրում բարեգործական նպատակների համար¹¹, Մեկենասությունը տարածված էր նաև կովկասյան բուրժուազիայի շրջանում. այսպես, հայ կապիտալիստներ Մանթաշովը, Զուրաբովը, Արամյանցը և ուրիշներ դրամազուխ էին տրամադրել ներսիսյան դպրոցի շինարարությանը, հիվանդանոց կառուցել Թիֆլիսում, նյութական օգնություն էին ցույց տալիս ազգային թատրոններին, դպրոցներին և մշակույթի որոշ գործիչներին:

Բացի հայ կապիտալիստներից, դարասկզբին երկրամասի բուրժուազիայի շարքերը համալրեցին նաև վրացական, ադրբեջանական և այլազգի դրամատեսները, որոնք արդյունաբերության մի շարք ճյուղերում առաջնակարգ տեղ դրավեցին: Օրինակ՝ Ճիսթուրայի մարզանցի արտադրության մեջ հայտնի էին Գ. Զուրինաձեն, Ի. Սիխուրալիձեն, Կ. Գալեչիաձեն, Դ. Գափրինդաշվիլին, Դ. Աբաշիձեն, Ի. Մերեթիլին, Հ. Դադիանին¹²: Բարձրում ադրբեջանական խոշոր կապիտալիստներ էին Մ. Նադիրը, Շ. Ասադովանը, Հ. Թադիրը, Աշուրովը, Բունիաթովը և ուրիշներ¹³:

2. ԱՐԵՎԵԼՅԱՆ ՀԱՅԱՍՏԱՆԻ ԱՐԴՅՈՒՆԱՐԵՐՈՒԹՅԱՆ ԵՎ ԳՅՈՒՂԱՏՆՏՍՈՒԹՅԱՆ ԶԱՐԳԱՑՈՒՄԸ

XX դարի սկզբին Արևելյան Հայաստանի տնտեսությունը զգալի առաջընթաց ապրեց: Մեծ տեղաշարժեր կատարվեցին ամենից առաջ լեռնահանքային արդյունաբերության մեջ: Դեռ 1897 թ. Փարիզում հիմնված ֆրանսիական կապիտալիստների «Կովկասի արդյունաբերական և մետաղագործական ընկերությունը», որը լուրջ դեր էր խաղում Ռուսաստանի մետալուրգիայի ու ածխարդյունաբերության մեջ, «Ախթալայի հանքերի ֆրանսիական ընկերություն»-ից վերցրեց պղնձահանքերի ու գործարանի շահագործման իրավունքը և հիմնովին վերակառուցեց պղնձի արտադրությունը: Այդ ընկերությունը տեխնիկական կատարելագործումներ մտցրեց, կառուցեց նոր գործարաններ, հնոցներ, կոնվերտորներ, օդամուղ պոմպեր և այլն: 1900 թ. մի հաղորդման մեջ ասվում էր. «Վերջին ժամանակներս օրինակելի է դառնում նաև Ալավերդու գործարանը, ուր հալումն այժմ կատարում են ոչ թե բուսական ածխով, այլ կոքսով և ամբողջ մեխանիզմները շարժման մեջ են դրվում նավթաշարժիչով... վառարանների բոլոր մասերը բերված են մասամբ Ամերիկայից և մասամբ Եվրոպայից: Դրանց մեջ կատարված հալումը տվեց շատ լավ արդյունք՝ ինչպես պղնձի բանակի ավելացման, այնպես էլ հատկապես վառելիքի ու ժամանակի կրճատման տեսակետից¹⁴:

Պղնձարտադրությունը բարելավվեց նաև Զանգեզուրում, ուր դեռ 1896 թ. Ա. Ա. Մելիք-Աղարյանը կառուցեց «Սյունիք» պղնձաձուլական գործարանը, ներդնելով ամերիկյան ու ֆրանսիական սարքավորումներ և փայտի վառելանյութը փոխարինեց բարածխով: Այդ վերակառուցումների շնորհիվ գործարանը

¹¹ ՏՃ՝ «История СССР», т. II, М., 1965, стр. 204—205.

¹² ՏՃ՝ Յ. В. Хостария, Очерки социально-экономической истории Грузии, Тбилиси, 1974, стр. 161.

¹³ ՏՃ՝ «История Азербайджана», т. 2, Баку, 1960, стр. 205, 435—436, 440.

¹⁴ «Кавказский календарь, на 1901 г.», отд. 3, стр. 80.